

Agenda – Y Pwyllgor Cyfrifon Cyhoeddus a Gweinyddiaeth Gyhoeddus

Lleoliad: I gael rhagor o wybodaeth cysylltwch a:
Committee Room 5 Fay Bowen
Dyddiad: Dydd Iau, 18 Mai 2023 Clerc y Pwyllgor
Amser: 09.00 0300 200 6565
SeneddCCGG@senedd.cymru

Caiff y cyfarfod hwn ei ddarlledu'n fyw ar www.senedd.tv

(Rhag-gyfarfod preifat)

(09:00 – 09:15)

1 Cyflwyniad, ymddiheuriadau a dirprwyon

(09:15)

2 Papur i'w nodi

(09:15 – 09:30)

**2.1 Llythyr gan gadeirydd y Pwyllgor Plant, Pobl Ifanc ac Addysg i Weinidog y
Gymraeg ac Addysg ar Benodi Prif Weithredwr, Y Comisiwn Addysg Drydyddol
ac Ymchwil**

(Tudalennau 1 – 2)

3 Penodiadau Cyhoeddus: Sesiwn dystiolaeth

(09:30 – 10:30)

(Tudalennau 3 – 24)

Dr Doyin Atewologun

Chantal Patel

(Egwyl)

(10:30 – 10:45)

4 Adfywio Canol Trefi: Sesiwn dystiolaeth

(10:45 – 11:45)

(Tudalennau 25 – 45)



Tracey Burke – Cyfarwyddwr Cyffredinol, Newid Hinsawdd a Materion Gwledig
– Llywodraeth Cymru

Emma Williams – Cyfarwyddwr Tai ac Adfywio – Llywodraeth Cymru

Stuart Fitzgerald – Dirprwy Gyfarwyddwr Cartrefi a Lleoedd – Llywodraeth
Cymru

**5 Cynnig o dan Reol Sefydlog 17.42 i benderfynu gwahardd y
cyhoedd o'r cyfarfod ar gyfer y busnes a ganlyn:**

(11:45)

Gweddill y cyfarfod ac ar gyfer pob eitem ar wahân i eitemau 1 i 3 yn y
cyfarfod ar y cyd â'r Pwyllgor Iechyd a Gofal Cymdeithasol ddydd Iau 25 Mai
2023.

6 Penodiadau Cyhoeddus: Ystyried y dystiolaeth a ddaeth i law

(11:45 – 12:10)

7 Adfywio Canol Trefi: Ystyried y dystiolaeth a ddaeth i law

(12:10 – 12:30)

Jeremy Miles AS

Gweinidog y Gymraeg ac Addysg

Dyddiad | Date: 10 Mai 2023

Pwnc | Subject: Penodi Prif Weithredwr, Y Comisiwn Addysg Drydyddol ac Ymchwil

Annwyl Jeremy,

Yn ein cyfarfod Pwyllgor ar 3 Mai, buom yn ystyried a chytuno ar ein dull gweithredu o ran y gwrandawriad cyn penodi sydd i ddod yn fuan o ran yr ymgeisydd a ffefrir ar gyfer swydd Prif Weithredwr y Comisiwn Addysg Drydyddol ac Ymchwil ("y Comisiwn"). Yn dilyn gwybodaeth a ddarparwyd gan Lywodraeth Cymru ar y broses benodi, buom yn trafod hyn ymhellach ar 10 Mai, a chytunwyd i ofyn am ragor o wybodaeth cyn y gwrandawriad.

Rydym wedi nodi bod y broses, ar yr achlysur hwn, wedi arwain at benodiad uniongyrchol. Bydd hyn yn haeddu ystyriaeth bellach a gwaith craffu fel rhan o broses cyn penodi dryloyw a thrylwyr.

1. Cyn i'r panel wneud ei argymhellion ffurfiol i chi, a gawsant unrhyw adborth – naill ai'n ffurfiol neu'n anffurfiol, neu unrhyw gyfeiriad neu arwydd gennych chi neu rywun sy'n gweithredu ar eich rhan ynghylch pa mor dderbyniol neu fel arall oedd unrhyw rai o'r ymgeiswyr?
2. Pa ran oedd gennych chi yn y broses cyn eich cyfarfod ym mis Mawrth, ar ôl i'r broses recriwtio ddod i ben, i drafod camau nesaf?
3. A allwch roi rhagor o wybodaeth ynglŷn â pham y gwnaethoch benderfynu mynd ymlaen i apwyntio'n uniongyrchol yn hytrach nag ail-hysbysebu?
4. I ba raddau yr oedd y panel recriwtio gwreiddiol yn ymwneud â'r penderfyniad i fynd ymlaen i benodi'n uniongyrchol, a nodi ymgeiswyr posibl? Mae'r papur a ddarparwyd i'w weld yn awgrymu bod un aelod o'r panel yn rhan o'r trafodaethau hyn, ond a oedd aelodau eraill yn cymryd rhan? Os nad oedd y panel cyfan yn rhan o'r trafodaethau a'r penderfyniadau hyn, a allwch amlinellu pam nad oeddent, a phwy a benderfynodd pa aelodau o'r panel a fyddai'n cymryd rhan?



5. Pan benderfynoch symud at benodi'n uniongyrchol, sut y nodwyd ymgeiswyr posibl, a phwy a arweiniodd ar y gwaith hwn?
6. A oedd unrhyw gyrff allanol, fel asiantaethau recriwtio, yn ymwneud â'r broses o nodi ymgeiswyr?
7. Faint o ymgeiswyr posibl y cysylltwyd â nhw fel rhan o'r broses recriwtio uniongyrchol?
8. A oedd unrhyw wrthdaro buddiannau canfyddedig neu wrthdaro buddiannau posibl a nodwyd rhwng y bobl hynny a oedd yn ymwneud â'r recriwtio uniongyrchol a'r bobl a nodwyd fel ymgeiswyr posibl drwy'r cam recriwtio uniongyrchol?
9. A yw'r ymgeisydd a ffefrir wedi datgan unrhyw weithgarwch neu ymlyniad gwleidyddol?

Er mwyn llywio ein hystyriaeth o'r penodiad a'r broses, gofynnwn fod yr wybodaeth hon ar gael cyn y gwrandawriad cyn penodi, a dim hwyrach na 19 Mai.

Fel Pwyllgor, ac yn seiliedig ar ein profiadau gyda thri phenodiad cyhoeddus gwahanol, mae gennym rai pryderon o hyd ynghylch rôl gyfyngedig Pwyllgorau'r Senedd yn y prosesau penodiadau cyhoeddus hyn. Amlinellwyd y pryderon hyn yn fanylach gennym yn ein [llythyr diweddar](#) at y Pwyllgor Cyfrifon Cyhoeddus a Gweinyddiaeth Gyhoeddus. Nodwn mai penodiad gweinidogol yw hwn, yn hytrach na phenodiad cyhoeddus, ond erys y pryderon hyn yr un fath ar gyfer y penodiad hwn.

Mae'r Pwyllgor Cyfrifon Cyhoeddus a Gweinyddiaeth Gyhoeddus wrthi'n edrych ar y broses penodiadau cyhoeddus ar hyn o bryd. Rydym yn anfon copi o'r llythyr hwn at y Pwyllgor hwnnw yng ngoleuni ein safbwyntiau ehangach a'n bod yn cydnabod arwyddocâd y penderfyniad i fynd ymlaen i benodiad uniongyrchol yn dilyn proses recriwtio aflwyddiannus ar gyfer rôl gyhoeddus mor bwysig.

Yn gywir,



Jayne Bryant AS

Cadeirydd

Cc: Mark Isherwood AS, Cadeirydd y Pwyllgor Cyfrifon Cyhoeddus a Gweinyddiaeth Gyhoeddus

Croesewir gohebiaeth yn Gymraeg neu Saesneg.

We welcome correspondence in Welsh or English.

Mae cyfyngiadau ar y ddogfen hon

Mae cyfyngiadau ar y ddogfen hon